



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

66. Bacchanalium insolentiam Crucifixi ostensione coërcet, Ludovicus
Ballester, Hispanus.

Nutzungsbedingungen

[urn:nbn:de:hbz:466:1-55449](https://nbn-resolving.org/urn:nbn:de:hbz:466:1-55449)

IMITATRIX CRUCIFIXI. 113
tabat. Corpus flagello, cinctuque ferro divexabat. Hæc illi amor in CHRISTVM CRUCIFIXVM suggerebat, cujus in PASSIONE meditandâ erat assiduus.

Tanta fuit opinio sanctitatis eximii hujus Amatoris CRUCIFIXI Domini, ut prius etiam, quàm vitâ fungeretur, Viri è primoribus, feminaeque, quantumvis dignitate maximâ de rebus aliquid deposcerent ad Reliquias. Obiit ubi vixerat, Genuæ die xxix. Martii, Anno M. DC. xx. ætatis circiter xē. Religionis initæ LX.

Litt. Mediol. Prov. Elog. Vit. B. S.

VI.

AMATOR CRUCIFIXI

*Bacchanalium insolentiam Crucifixi
ostensione coërcet.*

LVDOVICVS BALLESTER, Hispanus ardentissimis concionibus per compita passim institutis plebem erudire solebat, comitantibus dicentem lachrymis, gemitibus, suspiriis, sequente frequentia Confessionum. Acerrimus erat & pietatis augendæ procurator, & vitiorum exscindendorum vindex: tentavitque

66.

LVDOVICVS BAL-
LESTER
Hispanus.

vitque insperato quidem illo, sed felici
 successu licentiam Bacchanaliorum, que
 prorsus erat in Vrbe, ubi degebat ef-
 frænis, coërcere, producto in compita-
 lem concionem, hinc Cadavere, illinc
 CHRISTI è CRUCE pendentis effigie,
 Quam rem Antiochenus Patriarcha,
 Archiepiscopus, idem Valentinus Ioan-
 nes de Ribera, nobilitate, prudentia,
 litteris, ac sanctimonia clarissimus tanti
 fecit, ut Ludovici per urbem tonantis
 imaginem curarit sibi coloribus expri-
 mi ad Viri venerationem.

In extremâ valetudine, vim morbi
 contractis ex diuturnitate jacendi ulce-
 ribus, totisque artubus dolens adeo pa-
 tienter tulit PATIENTIS CHRISTI
 Amator, ut vegetus valensque videri
 potuisset. Quare susceptis maturè Sa-
 cramentis, læto animo, vultu sereno,
 omnis timoris atque sollicitudinis ex-
 pers animam exhalavit, Valentia Kal.
 Maij, Anno M. DC. IV. ætatis LXXXII.
 Religionis LX.

Litt. Hisp. Pro. Val. Elog. Vit. B. S.